

ՍՏԵՓԱՆ ԼԻՍԻՅՅԱՆ, Զանգեզուրի հայերը, Հայկական ՍՍՀ ԳԱ հրատարակչություն, Երևան, 1969, 334 էջ, գինը 3 ռ. 35 կոպ.:

Լույս տեսավ գիտության վաստակավոր գործիչ, պրոֆեսոր Ստեփան Լիսիյանի «Զանգեզուրի հայերը» մենագրությունը, որը տպագրության է պատրաստել հանգուցյալ պրոֆեսորի դուստր, պատմական գիտությունների դոկտոր Սրբուհի Լիսիյանը և խնամքով խմբագրվել է Հայկական ՍՍՀ ԳԱ ակադեմիկոս Ս. Երեմյանի ու Սրբ. Լիսիյանի կողմից:

Առաջինը, ով հիմք դրեց Զանգեզուրի ազգագրական ուսումնասիրությանը, Ա. Զելինսկին էր իր «Исследование экономического быта государственных крестьян в Загезурском уезде Елисаветпольской губернии» գրքով: Նրան հետևում են Ն. Գրիգորովի, Ե. Մելիք-Շահնազարյանի, Ն. Շիրակունու, Գեղեվանովի հոդվածները, որոնք տպագրվեցին «Сборник материалов для описания местностей и племен Кавказа» մատենաշարով: Այդ հոդվածների եզրափակումն է հանդիսանում ակադեմիկոս ազգագրագետ Երվանդ Լալայանի «Հանգեզուրի գավառը» արժեքավոր աշխատությունը, որը լույս է տեսել 1899 թ. «Ազգագրական հանդեսում», ապա առանձին գրքով: Խորհրդային շրջանում 1930 թ. լույս է տեսել միայն Գ. Զուրսինի «Армяне Загезура» ուղագրավ գրքով: Սրանց լրացնելու է գալիս բազմահմուտ ազգագրագետ Ստ. Լիսիյանի սույն մենագրությունը, որը հեղինակի երկար տարիների աշխատանքի արդյունքն է, ուր օգտագործված են Զանգեզուրի մասին եղած բոլոր աղբյուրները՝ հնագիտական նյութեր, մատենագիրների աշխատություններ, արձանագրություններ, հեղինակի գրառած դաշտային ազգագրական նյութեր:

Մենագրության ներածությունում տրվում է Զանգեզուրի վերաբերյալ եղած գրականության տեսությունը, գավառի վարչական կառուցվածքը՝ սկսած հնագույն շրջանից մինչև XX դարի քսանական թվականները: Լինելով հմուտ աշխարհագրագետ, հեղինակը տվել է նաև Զանգեզուրի ֆիզիկա-աշխարհագրական բնութագրությունը:

Առաջին գլուխը կրում է «Բնակչություն» խորագիրը: Մարդաբանական ուսումնասիրությունների հիման վրա (է. Շանտր, Վ. Բունակ) հեղինակը գալիս է այն եզրակացության, որ

Զանգեզուրի հայերը պատկանում են արմենոիդ տիպի զարաբաղյան խմբին, որոնք լայնագլուխ կամ բրախիցեֆալ են: Հեղինակը հատկապես ընդգծում է այն փաստը, որ «Զանգեզուրի բնակչության կազմի մեջ բացի զուտ զարաբաղյան հնդեվրոպական տարրից, մտել է հնդեվրոպականից տարբեր էթնիկ տարր, որը կարող էր կամ նրա հետ դասից եկած լինել, կամ նրա այստեղ երևալուց առաջ արդեն տեղում գոյացած, գուցե հենց աղվանական շերտի հետ սերտորեն շաղկապված, մի շերտի, որի լեզվական առանձնահատկությունների մասին շատ քիչ (գուցե և գրեթե ոչ մի) անվիճելի և հաստատ բան գիտենք» (էջ 28):

Աշխատության մեջ այնուհետև հանգամանորեն նկարագրվում է Զանգեզուրի բնակչության վիճակը մինչև ուսական տիրապետության հաստատումը, շարադրվում է Զանգեզուրի պատմությունը հնագույն շրջանից սկսած մինչև XIX դարի վերջերը, տրվում է բերդերի, վանքերի և պատմական այլ հուշարձանների գիտական բնութագրությունը: Հատկապես մանրամասն են նկարագրված Զանգեզուրի մահալներն ու բնակչությունը ուսական տիրապետության հաստատման միջոցին՝ Զանգեզուրը որպես Ղարաբաղի պրովինցիայի մի մաս, մելիքների տիրապետությունը, նրանց իրավունքները, սենատոր Հանի օրենքները և դրանց հետևանքները:

Հաջորդ գլուխը վերնագրված է «Բնակավայրերը և շենքերը»: Այստեղ քննության են առնվում բնակավայրերի բնույթը և տեղադրումը: Հեղինակը ճիշտ կերպով նկատում է, որ բնակավայրերի տեղաբաշխումը Զանգեզուրում ենթարկվել է աղբյուրների դասավորության, իշխող քամիների ուղղության և թշնամական հարձակումներից ապահովության պայմաններին: Գյուղերը խոր մտնում են ձորերի մեջ (Հալիձորը, Շինուհայրը, Խոտը, Հին Գորիսը, Վերինշենը, Քարահունջը, Խնձորեսկը և այլն): Կան ամբողջովին քարայր ներկայացնող բնակարաններ: Այս տեսակետից տիպական է Խնձորեսկը: Այդպիսի բնակարաններ կան Հին Գորիսում, Տեղում, Խընածախում և ուրիշ վայրերում: Ապա շարադրվում են Զանգեզուրի կենտրոն Գորիսի բարձրացման սոցիալ-տնտեսական հանգամանքները:

կարևոր ճանապարհների հանգույց, առևտրական և վարչական կենտրոն լինելը և այլն: Այնուհետև հեղինակն անցնում է բնակարանների և գյուղատնտեսական շենքերի բնութագրմանը: Մանրամասն նկարագրում է քարայրները որպես բնակարան, բնակարանի մյուս ձևերը, նկարագրում հացատունը, սրահը, գոմը, արխաջը, ախոռը, հարդանոցը, ինչպես նաև օգտագործվող տնային իրերը:

Մյուս գլուխը նվիրված է տարադին: Այստեղ նշվում է, որ զանգեզուրցի հայ կնոջ զգեստները շատ նման են Շամախու, Նուխու, Գանձակի, Ղարաբաղի, Ղարադաղի, Մեղրու և Ազուլիսի տարադին: Այնուհետև նկարագրվում են կանանց տարադների տեսակները՝ աշխատանքային, առնական, աղջիկների և այլն: Տղամարդու զգեստները նույնն են, ինչ արևելյան Կովկասի տղամարդկանց հագուստները, որոնք տարածված են Հյուսիսային Կովկասում, Դաղստանից մինչև Ղարաբաղ, Ուրմիո շրջանները:

Հաջորդ գլուխը կրում է «Ձրադմունքներ» խորագիրը, ուր հեղինակը մանրամասն քննություն է առնում Զանգեզուրի բնակչության զրադմունքները: Նկարագրվում են երկրագործական աշխատանքներն սկսած զարնանացանից մինչև բերքի հավաքումը ներառյալ Այդ պրոցեսները շարադրելիս տրվում են նաև նրանց հետ կապված կրոնական հավատալիքները, բերքը առատ լինելու համար կիրառվող հմայական միջոցները և այլն: Նույն ձևով քննարկվում են անասնապահությունը, որսորդությունը, այգեգործությունը, շերամապահությունը, գյուղական հումքի մշակությունը և դրանց հետ կապված արհեստները (գորգագործություն, ջուհհակություն, կաշեգործություն, կավագործություն, փայտագործություն) և այլն:

Աշխատության հաջորդ գլուխը նվիրված է ընտանեկան կյանքին: Այս բաժնում քննարկվող հարցերն են՝ հարսանեկան սովորություններ, տղարերք և մանկատածություն, մահ և թաղում, ընտանեկան կարգ ու կյանք: Հեղինակը հանգամանորեն վերլուծում է հարսանեկան սովորությունները: Նա նկատում է, որ իր այցելության միջոցին Զանգեզուրում չի հանդիպել և ոչ մի գերդաստանի: Այս փաստը խոսում է այն մասին, որ գերդաստանն արդեն քայքայվել էր՝ տեղի տալով փոքր ընտանիքներին: Հետաքրքիր է նաև այն հանգամանքը, որ Զանգեզուրի բարբառում չկա ընտանիք բառը, այլ օգտագործվում է օջախ տերմինը կամ պաշտոնական հաշվետվություններում՝ ծուխ հանկացողությունը: Հեղինակը հանգամանորեն քննություն է առնում հարսանեկան սովորությունները, հմտությամբ բացահայտում հարսանիքի հետ առնչվող սովորությունների սոցիալ-տնտեսական

տեսական պայմանները, նրանց հետ կապված հավատալիքների արմատները: Լիսիցյանը նրկատում է, որ եկեղեցուց հարսանյաց թափորը սկզբում շարժվում է դեպի աղջկա տունը, ապա նոր տղայի, մինչդեռ հայարնակ այլ շրջաններում եկեղեցուց ուղղակի դիմում են տղայի տուն: Դա մի սովորություն է, որը բնորոշ է միայն Զանգեզուրին: Հեղինակն այդ համարում է մայրիշխանության մնացուկ, որը հիշեցնում է այն ժամանակաշրջանը, երբ հարսանիքից հետո տղան դառնում էր կնոջ ընտանիքի անդամ: Նույն ձևով նա բացահայտում է տոհմական կարգերի, օջախի, ննջեցյալների պաշտամունքի, հմայական բնույթ կրող ձևերի նշանակությունը: Իր ամբողջ համակարգի մեջ էլ նա քննում տղարերքին և մանկատածությանը աղերսվող հարցերը՝ հղիություն, ծնունդ, մկրտություն, հմայական միջոցներ երեխաներին շար ուժերի ալղեցությունից ազատելու համար, հիվանդություններ և նրանց բուժման միջոցներ: Պատմական զարգացման մեջ է քննում նաև այս բաժնի մյուս կարևոր հարցը՝ մահվան և թաղման հետ կապված սովորությունները, սկսած հիթանոսական շրջանից մինչև մեր օրերը: Հանգամանորեն քննարկվում են նաև ընտանիքի անդամների փոխհարաբերությունները, նրանց պարտականությունները, իրավունքները, որոնք հիմնականում սովորության ընդունելով, աշխատանքային, սեռահասակային բաժանումները, տան նահապետի դերը ընտանիքի ղեկավարման մեջ, կանանց դերն ընտանիքում, բաժանման դեպքում սեփականության բաշխման ձևերը և բաղմամբիվ այլ հարցեր:

Անդրկովկասի հայ բնակչությունը ռուսական տիրապետության հաստատման միջոցին, ըստ Ստ. Լիսիցյանի, գտնվում էր գերդաստանային շրջանում, որտեղ հասարակության հիմնական բջիջն էր կազմում գերազանցապես մի քանի ամուսնական զույգերից և նրանց երկու-երեք սերունդներից բաղկացած բաղմանդամ ընտանեկան ու տնտեսական միությունը՝ գերդաստանը (էջ 227): Համայնքը նա դիտում է որպես այդ գերդաստանների ամբողջություն, ճիշտ կերպով նկատելով, որ XIX դարի սկզբում Զանգեզուրի գյուղական համայնքը չէր ներկայացնում ազգակցական միություն և մեծ գերդաստանների միջև փոխհարաբերությունները հաստատված էին ոչ թե արյունակցական, այլ տերիտորիալ մերձավորության վրա, հարևանության սկզբունքների վրա: Այնուհետև հեղինակը բնութագրում է համայնքի հիմնական գծերը, նրա քայքայման սոցիալ-տնտեսական պատճառները, համայնքի պահպանված վերապրուկները: Այս գլխի հաջորդ հիմնական հարցը սոցիալական շերտավորումն է: Այդ առնչությամբ վերլուծվում են Զանգե-

դուրի տնտեսությունը, բնակչության եկամտի հիմնական աղբյուրները, կապիտալիստական հարաբերությունների մուտքը և նրանց հետևանքով առաջ եկած դասակարգային շերտավորումը:

Հաջորդ բաժինը նվիրված է հավատալիքներին, ուր համակողմանի քննության են առնվում ժողովրդական տոները, լեռների, արևի, լուսնի, ննջեցյալների պաշտամունքը, անիմիզմի, տոտեմիզմի հետ առնչվող բազմաթիվ հարցեր: Արժեքավոր դիտողություններ են արվում մեր հեթանոսական կրոնի վերաբերյալ, ցույց է տրվում, որ այն տարբերվում է պարսկականից, որի հիմքը դուալիզմն է՝ Որմիզդի և Ահրիմանի պաշտամունքը: Նշվում են մի շարք տարբերություններ, որոնք հայոց հեթանոսական կրոնը հեռացնում են պարսկականից, մոտեցնելով փոքրասիականին: «Զրադաշտական մտածելակերպից շեղումները հայկականի մեջ այնքան խոր՝ էին և բաղմակողմանի,— գրում է Ստ. Լիսիցյանը,— որ նրանց վերլուծությունը բերում է ինձ այն եզրակացության, որ հայկական հեթանոսական աշխարհայացքի մեջ երևան է գալիս հիմնական մերձավոր առնչությունը ոչ թե պարսկական զրադաշտական, այլ փոքրասիական ըմբռնումների հետ, որտեղ սիստեմի է վերածվել ոչ թե արարիչ և կործանիչ ուժերի մշտական մրցումն ու հակադրությունը, այլ կյանքի և մահվան կրկնվող հաջորդականությունը, որտեղ կենդանություն տվողը և ինքն էլ կենդանի աստվածությունը մեռնում է և իր մահով սկիզբ է տալիս նոր կյանքին» (էջ 257):

XIX դարում և XX դարի սկզբում գոյություն ունեցող հավատալիքները քննելով, հեղինակը շատ ճիշտ մոտեցում է ցուցաբերում՝ բացահայտելով նրա տակ թաքնված հեթանոսականը: Այսպիսով, հավատալիքները նա ուսումնասիրում է զարգացման պրոցեսում՝ ամենահնագույն շրջանից մինչև մեր օրերը: Հանգամանորեն ներկայացվում են նաև ժողովրդական տոները: Ցույց է տրվում, որ շատ քրիստոնեական տոներ հեթանոսական են: Այսպես՝ ջրօրհները կապված է ջրի, տեառնընդհաջը՝ կրակի պաշտամունքի հետ: Ընդարձակ շարադրանքով է ներկայացվում բարեկենդանի տոներ: Առաջարկվում է բարեկենդանի հետևյալ մեկնությունը. «Մի այլ աշխատության մեջ՝ այս անունը ես աշխատել

եմ բացատրել որպես ողջույն մաղթանք՝ ուղղված վերակենդանացող բնության: Այդ ողջույնը բխում է նույն մտայնությունից, որպես և բարի լույս, բարի գիշեր բարեմաղթությունները, որոնք բառի մագիկ զորությամբ նպատակ ունեն սկսվող լույսին կամ գիշերին՝ բարի կատարում ներառողն է (էջ 265): Սա ուշագրավ միտք է: Այնուհետև հեղինակը հանդամանորեն քննության է առնում զատկի ամբողջ համակարգը, համբարձումը, վարդավառը: Վերջինս, ըստ Ս. Լիսիցյանի, կապվում է Վարդ աստծու հետ, սակայն այս միտքը հաստատող փաստեր չեն բերվում: Մեզ ավելի հավանական է թվում վարդավառ բառի՝ ալադ. Գ. Ղափանցյանի բացատրությունը, ըստ որի վարդավառ բառը ծագում է խեթական վարդ բառից, որը նշանակում է ջուր և ար բայից, որը խեթերենում նշանակում է լվանալ, վերջինս ստանում է լցնել, սրսկել իմաստը²: Նույնպիսի մանրամասնությամբ ներկայացվում են մյուս տոները՝ Մարիամ Աստվածածին, Սուրբ խաչ և այլն: Կանգ առնելով լեռների պաշտամունքի վրա, հեղինակը նշում է, որ Զանգեզուրում պաշտամունքի կարևոր վայր են հանդիսացել Մեծ Իշխանասարը, Խուստուփը, Լորաձորը, Շաղաթը, ուր եղել են մատուռներ, աղբյուրներ: Նկարագրվում է նաև լեռների ոգիների պաշտամունքը: Հետաքրքրական էր, որ այդ պաշտամունքի վայրերն այցելում էին թե՛ հայերը և թե՛ ադրբեջանցիները: Հեղինակը նկատում է, որ լուսնի պաշտամունքը Զանգեզուրում ավելի է տարածված, քան արևինը: Ընդարձակ շարադրմամբ ներկայացվում են հիվանդության, մահվան և ննջեցյալների պաշտամունքի հետ առնչվող հարցերը: Հանգամանորեն քննարկվում է ոգիների և բաջբերի պաշտամունքը՝ որպես անիմիզմի և տոտեմիզմի վերապրուկներ:

Մենագրությունն ունի անհրաժեշտ գիտական ապարատ՝ անձնանունների, աշխարհագրական անունների, ազգագրական տերմինների ցանկեր: Հարուստ է ցուցադրական նյութը՝ գծագրություններ, սխեմաներ, աղյուսակներ, քարտեզներ, բազմաթիվ լուսանկարներ, որոնք մեզ ծանոթացնում են Զանգեզուրի աշխարհագրական դիրքին, գյուղերին, քաղաքներին, նյութական և հոգևոր մշակույթին: Որոշակի հետաքրքրություն է ներկայացնում աշխատությանը կցված Մելիք-Փարսադանյանների տոհմաժառը:

Ստեփան Լիսիցյանի այս փաստալից աշխատությունը Զանգեզուրի հայերի մասին կարևոր ավանդ է մեր ազգագրական գիտության մեջ:

Կ. ՄԵԼԻՔ-ՓԱՇԱՅԱՆ

¹ Քոստըր «Армяне Нагорного Карабаха» չհրատարակված աշխատության մասին է:

² Տե՛ս «Երևանի պետական համալսարանի գիտական աշխատություններ», հատ. 14, երեւան, 1960, էջ 279—280: